

RECORDANDO E VIRTUOSO PIANISTA DOMINICO HERRERA..

DEN AMBIENTE

Pa: Jan Poets.

** Awe na hermana isla Corsow lo hiba e virtuoso pianista Dominico Herrera pa su ultimo lugar di descanso. DEN AMBIENTE ta presenta un reportahe grafico di e gran pianista cu DIOS a yama serca dje. Cu nos gran amigo Don Dominico Herrera sosega na PAZ..



** Durante e bautiso di e video di Padu del Caribe, Dominico Herrera tabata presente y aki por mire hunto cu Padu del Caribe y Minister Glenbert Croes..



** Durante e anochi DEN AMBIENTE AWARD 1995, nos estreya juvenil Edjean Semeleer tabata tin e honor pa ricibi su premio como cantante juvenil di aña 1995 for di Dominico Herrera..



** Durante e anochi di DEN AMBIENTE AWARD 1995, cual a tuma lugar e aña aki na luna di Maart, Dominico Herrera tabata presente como invitado di honor y a deleita e publico cu tres cancion, cual un di nan el a dedica na Don Tico Kuiperi den feliz memoria. Riba foto por aprecia e musiconan cu a acompaña Dominico Herrera; Doedel Sophia (cuarta), Papito Rafael (wiri), Mario Middendorp (bayo) y Ebby Peterson (drum)..



** DEN AMBIENTE AWARD 1995 a rindi homenahe na Dominico Herrera kende a ricibi e "PREMIO PADU DEL CARIBE" hunto cu Edwin Zichem y Norman Moron. Tabata porcierto e aña cu Padu a cay for di trapi nei prome cu e apertura. Padu su yiu muher Vivian Lampe a efectua e entrega..



** E grupo di baile juvenil Flash ricibiendo nan premio DEN AMBIENTE AWARD 1995 for di Dominico Herrera..



** Esaki ta e ultimo potret cu DEN AMBIENTE a tuma di Don Dominico Herrera hunto cu Norman Moron y Padu del Caribe na unda tambe por aprecia Yubi Naar kende tabata e M.C. di anochi y e futuro estreya pianista Jonathan Vieira na kende Dominico Herrera tabata tin hopi elogio. Esaki tabata na final di e show "Papai den Concierto" cual a ser realiza 16 di Juni ultimo den e sala di Radisson Hotel..